



下堂集

續三

詩

卷

卷十

16  
2384  
3



和  
2384  
卷10-3

澤堂先生續集卷之五目錄



詩

尹監司調元挽丁丑

洪監司命耆挽三首

沈歛谷惕挽

李判書尚吉挽

題義湘上人軸

詠杜鵑花鳥二絕兒輩製之不佳  
即書示○巳卯

贈紳兒峽行

兒端夏將婚加冠適棲寄隘陋不能備禮書此

以代祝辭

從父旌善

李公安真歸櫬挽四首

朴叅贊東善挽

遣醮端兒

春日偶吟

謁鄭圃隱遺像仍次鄭克謹贈主人韻

金叅判槃挽

遣懷

次呈白軒二絕

白軒李公景奭號

又次寄六絕

時白軒在交河

題栢府契帖

次朴魯直復初軒韻在栢渚谷

次寄曾直

贈朴慶州守弘赴任

贈閔三陟應協赴任

贈尹咸平鏞赴任

次題天主上人軸

奉次湖上見寄韻呈鄒兄

青白堂次樂全公韻樂全申公翊聖號

寄別沈都事松稟官南歸六絕

南判書以恭挽

九日與兒輩臨釣臺

寄呂子久北伯二首

贈端兒嶺東之行二首

李參判景義挽四首

寄題金吉州鎮草堂

寄別金道源赴安邊之行三首

寄題土谷鄭君基成新庄

次永言堂韻為具生鎰作辛巳

尹翊贊元之挽二首

寄土谷鄭公

次錦陽君尉都韻奉送樂全公休沐江行

送尹判書暉質子敬之赴瀋陽三絕

送鄭方伯良弼赴湖西

送呂學士爾載出守康津

次樂全公見寄韻五言三句四首

送南文學老星赴瀋陽

謝長城韓太守振溟寄茶筍

贈送黃半刺床赴鏡城

贈送崔學士有淵出守星山

寄湖南方伯鄭君則世規

申副元帥景琰挽

挽金恩津友淹母夫人二首

歸東谷作

七月六日夜夢遇曹生漢英覺而記之曹方被

崔承旨有海挽三首

啓山齋詩

夜咏二絕

寄天章遠送文衡硯二首

題一珠軸

過東淮亭子次壁上韻東淮中公翊聖

伏蒙南坡沈相國悅垂示慶席唱酬詩病未終

宴以為罪懼輒依高韻庸謝不敏

送李仲深穆宗弟出宰昌平

送金子珍南重出尹完山

送姜學顏大遂出守晉州

送鄭學士致和出守東萊

睦承旨禹卿挽詞

閔水使仁信挽

別槐山沈使君暉二絕

送具上舍鑑之潭陽二絕

趙持平公淑挽十二韻

日本國日光山詩次太學士韻

贈驪牧

贈別東萊鄭使君維城

吳賓客汝完竣示以前前燈夕唱酬詩其中有

存念不敏之作亦數首要余追和之依韻襲

律少效衷私十七首

鄭壺亭斗源挽

送朴盈德守文之任二首

挽李彬正郎二首

贈別韓景洪績赴鎮海縣二首

贈別仁同李使君暢然赴任

贈趙平昌國賓赴任

次東岳叔父韻贈片雲師二首

又次雲師贈余韻并後序

次崔相鳴吉韻題僧軸三首

送李觀察德洙按關東

寄東淮

日遊亭十景

并後序○亭在公州錦江上流為成使君夏宗作

漢書集  
卷之六  
莎峯霽色

斗郊春耕

汀沙落鴈

石逕歸僧

蘓文古城

彌勒曉鐘

浮瀛漁火

金灘炊烟

前江風帆

獨山雪松

鳳山途中紀異言志

中和西館感舊

松京途中次頌相示韻

葱秀山次頌相

戊辰冬起廢還朝具景輝亦闕憂服復入史館  
余有衣冠重會鳳凰城之句蓋指京城而言  
也今者余與諸宰被拘留鳳凰城柵

東宮率春坊賓僚自瀋陽來駐景輝以關西方  
伯策應館供衣冠之會宛然一大朝也景輝  
仍記拙句示余云此豈非詩識耶余始驚悟

果若有前定之數仍用前韻私示景輝景輝

具公鳳瑞字

鳳凰城寓店中與同棲諸公伏受 東宮賜送  
酒饌感涕之餘仍記乙丑正月臣植以輔德  
陪冠冊兩禮時有 賜酒之榮畫筵記勝  
為之題叙今已十八年矣感舊興悲私成一  
律不敢以示人

至日次白軒韻二首

題劉松年觀蓮圖

次白軒聽鍾韻二首

統軍亭有感

次李知事顯英庚中感懷韻

次西澗贈李知事韻二首西澗金公尚憲一辨

次曹守而漢英客堂西澗韻二首

途中奉次西澗寄示作仍和前韻二首

次開府蓮亭韻

贈李六諫士深厚源二首





澤堂先生續集卷之五

詩

尹監司

調元挽丁丑

白骨新交戰青山獨後來天應憎我達地少似君埋  
夏壠曾聯席秋齋舊把盃眼前桑海換何況隙駒催

洪監司 命者挽三首

個儻青雲氣軒昂玉樹標時來宜坐幄世亂遂揚鏢  
一柱當穹側三光際彗妖睢陽鬼雄在早晚殪天驕

二

臣節須拚命兵家有變機那知醴泉戰無及奉天圍

素匣龍文掩青山馬革歸哀榮荷 王典梓木亦光輝

三

世務輸君健書惟任我衰江湖他日約關塞隔年思  
一瞥滄桑變千秋汗竹垂曹蜍未埋骨幽顯愧相知

沈歛谷 楊挽并小序

有謂今茲喪亂豪家貴族受禍尤酷豈疾顛  
厚亡常數然耶沈君楊淳行苦節亦不免焉  
無聲名以昭後無子女以主祀是遵何理哉  
德水李植契許有舊哀而誄之

崑崗爍劫火歷陽淪平湖蕭蘭與瓦玉蕩汨燦燼俱  
天驕一鼓吻豺虎血兩都既未卜貴賤誰復論賢愚  
嗟哉東陽彥粹然生質殊讀書祇為已踐履非俗儒  
絃歌晚試可寧久踵常途一朝蹈白刃義重輕全軀  
和靖家既殘伯道兒亦無身名共草莽回首天地徂  
人生貴正性萬事皆泡漚應知箕尾精俯贖腥塵區  
吾儕幸而免已矣終鄙夫

李判書 尚吉挽

八座八旬壽康寧獨有公千三運方否九五福無終  
只見全身耻誰言滅頂凶當如漢龔勝百世播清風

題義湘上人軸

自經兵禍多所懺悔不作漫戲文字今日病不赴衙因無聊

中東陽戒奉副相方住報恩寺云

喪亂心全折嬉遊興已孤戰場餘白骨蕭寺只青湖

暇日耽昏睡閑門謝俗徒逢僧強詩話宿習未能無

詠杜鵑花鳥二絕

令兒輩製之不佳即書示已卯

蜀魄聲聲血山榴樹樹紅孤臣感時淚共爾灑春風

二

夜夜空山哭枝枝怨血晞若教花解語應道不如歸

贈紳兒峽行

駑馬木鞍枝超乘也復竒堂堂食牛氣莫遣路人窺

兒端夏將婚加冠適棲寄隘陋不能備禮書此以代祝辭

畢媵吾全老加冠汝亦丁詩書先世業廉節本心靈學善非干譽修容要踐形唯思鹿門計終始保脩齡

從父旌善李公真歸櫬挽四首

不謂孤生在還逢從父喪善人天不福衰族命偏殃已愴東門別那堪北阜歲槐源詩亦識仙路一茫茫

二

早擅青衿譽爭看玉樹姿那知一疏禍便作十年遲釋錮時將暮褒忠位亦卑彛倫幸不墜青史盛名垂

三

忠孝吾家本循良古道宜錯盤恢利器冰檠揭穹碑  
句漏修丹計匡廬築室時雙鳥纔去路忍見素綢披

四

客觀山重阻先丘海一陬空傳槐樹夢無復竹林遊  
天地腥塵暗衣冠素祿羞生緣與死別只有淚長流

朴叅贊 東善挽

崑玉監金質貞松勁竹姿勞謙戡亂際義烈數倫時  
不謂三朝舊今無一老遺哀詞吾豈忤青史有昭垂

遣醮端兒

爾行迎爾相吾病滯吾廬行李須防病留連勿廢書  
志道先從內宜家在教初慙懃臨路意不獨惜分裾

防病一作加飯可兼看

春日偶吟

悄悄傷春色悠悠送遠眸烟花九街路雲日五城樓  
止酒非嫌醉吟詩轉惹愁京華千古地無復昔年遊  
謁鄭圃隱遺像仍次鄭克謹贈主人韻

大節洪猷自道真丹青遺像凜如神腥膻滿目滄桑  
變宅日誰為第二人

金叅判 槃挽

五福翻丁百六凶三喪相踵四年中蘭摧桂折寒飈  
急鶴病龍顛夜壑空東觀舊僚薰世德南州多士挹  
儒風嚴家萬石猶餘慶遙想新阡擁鬱葱

遣懷

怨入烏頭變驚聞 鶴馭歸衣冠俱涕泗 宗社欲  
光輝剋復須恢筭周防在識微豈容羶羯地重汚杲  
卿衣

次呈白軒二絕

白軒李公  
景奭號

不為虛文讓至三老身乾沒晚方慚雕虫小技終為  
累付與間人發笑談

交義從來益有三詞壇相許意無慚文窮觸諱吾誠  
拙信在中心不在談

又次寄六絕

時白軒罷散方在交河

交道從前不二三文衡付我有惶慚收將舊硯真虛  
器滯送新詩亦漫談

誰將李四比張三素祿浮名一樣慚安得盡拋文字  
後深盃終日展清談

憂喜紛紛四與三顧君與我兩無慚衰年薄技終為  
崇此事從今不欲談

千載遭逢畫接三知君俯仰不曾慚鑿坡詞翰巖廊

策今伴河村野老談

市虎非關巧舌三心應無忤面何慚遙知兄弟登高

處古籍前賢與對談

濺淚看花月盡三歸心長負故林慚竅言違俗彈章

峻世事如今莫戲談

題栢府契帖

衣冠潦倒屬時艱栢府霜稜特地寒  
駘馬幾番街上下朱衣只在殿中間  
青雲聯步同僚義彩筆摹竒異日看  
曾押首班飢噤甚題詩不覺赧生顏

次朴魯直復初軒韻

在栢渚谷

餘生樂土更何鄉兵後園廬大半荒  
羨子拓基開屋宇憶吾懷刺款門墻  
樨花挾渚看春漲松翠緣岡引夏涼  
二字名軒非一義傳家心法並無忘

次寄魯直

一筇東路野僧如數架依然木石居  
京輔子能追趙尹侍臣吾已謝終徐  
回看華岳歸雲遠卧聽齋堂過雨疎  
最是國恩慚未報九重頻奏丐還書

贈朴慶州

守弘赴任

千年徐伐國六村始開疆其人甚淳朴  
其俗勤農桑文武繼軌出三韓竟同方  
從知王者業本由保民昌

澤堂集  
千戈連四紀宇縣迭罹殃茲土尚遺俗斯民異要荒  
君為大瓠派尹彼君子鄉仁廉著前績邑里庶少康  
同好愛莫助老病甘棲遑吾欲竟此曲此曲易悲傷  
緘封付君袖歲晚毋相忘

贈閔三陟應協赴任

吾聞海岳內古稱靈仙鄉服氣可延年飢不食粢梁  
今君吏彼境願為求其方普及八路民濟此連歲荒  
丹液恒注灌自足果枵腸縱逢酷吏刃金骨安可哉  
豈獨一身壽萬姓俱歡康但恐斯言洩先被妖魔妨  
密寫奉君子我心增淒傷

贈尹咸平鏞赴任

豺狼腥四海威鳳已高翔蓬蒿蔽中野蕙草先秋霜  
鴻鴈戀稻穡又恐矰弋妨智者可卷懷愚者徒周章  
堂堂青瑣賢一麾下江鄉此行不可挽此言不可長  
緘情在骨髓流淚空自滂

次題天圭上人軸

未恠天機淺元因物致深鸞凰鳴旭日鬼魅瞰昏陰  
處動寧違性耽空亦在心宅家祖師旨也要此間尋  
奉次湖上見寄韻呈瓠兄

試揩塵膜賞秋晴湖水曾襟較孰清潮渚舊從鷗鳥

狎灣碣新與野人爭豈伊黃口能榮辱曾是丹心壹  
死生只恐今年霜雪早芳蘭未刈鴉先鳴

青白堂次樂全公韻樂全申公 翊聖號

青白明人眼湖山四望通騷翁曾解榻倦客復開蓬  
舊雨今還雨心空境亦空所嗟喧靜別一水異西東

今春過青白亭陪飯樂全公舟上賞雨甚快秋後經  
過復值雨入亭憩宿聞公前數日已上江方在龍津  
庄上為之數羨  
故用以詩謝

寄別沈都事格棄官南歸六絕

一劍橫穿射虎叢書生獨作萬夫雄青衫坐困千薪  
底何日天山見掛弓

明庭對策孰司衡投匭論兵謾請纓高士不堪為主  
簿金吾安得絆人英

金華高議阻班生枉負明時戚里名看取伊優止堂  
上不如歸隱海山耕

斗粟何堪久陸沉棲遲只為戀恩深掛冠神武從  
今始江海秋風萬里心

元亮中年慕孔明壯心全露賦荆卿定軍山下中宵  
血何似東籬泛菊英

得失關天未可量男兒事業只行藏白頭乾沒非初  
志千仞飄飄看鳳翔



南判書以恭挽

江漢秋風動七哀遙聞飛旆故山回  
一炊爛熳邯鄲枕萬斛撐過灩澦堆  
利器早知恢肯綮高懷更覺掃氛埃  
文昌黯淡台垣曠其奈佳城閉不開

九日與兒輩臨釣臺

牛山何必淚霑衣生本如浮死是歸  
霜露丘原心已折風塵天地道全非  
即令埋土誠吾樂且復開樽未願違  
赤葉黃花臨釣石它年此會也應稀

寄呂子久北伯二首

江湖樽酒昔留連陳迹居然二十年  
揚李豈知三士

論山王終愧五君篇浮名枉我仍文柄  
聖寵饒君有將權北羽南鱗心尚素  
朔雲寒日眼空穿

岐豐故國三千里關海名藩二十州  
猛士饒歌臨紫塞書生談笑擁青油  
天翻地覆偷微命頭白眸昏念

昔遊憑問磻溪舊釣侶鷹揚何日表  
營丘呂東江之按北關也

余以公事不及出錢欲以贈言替謝則喪亂之餘生  
意頓凋詞不成章擲管便止項蒙公寄書辱問且恨  
無語為別尤覺不敏甚矣近體  
二首聊自紓懷非以為華也

贈端兒嶺東之行二首

王子西行日吾兒亦向東兒行纔隔嶺  
翁別亦傷衷况復歸殊域何堪慰  
聖躬陰風吹地白殘日漏雲

紅

東嶺半千里險艱吾飽曾溪澌休汙濟棧雪莫輕登  
夜宿防偷劫晨征慎虎騰早歸携爾相驪水趁開冰

李參判

景義

挽四首

奕世仍文苑魏科是緒餘豹斑中自養駿步晚方舒  
一病違銓席孤忠有諫書千秋奎壁影不盡掩泉壚

二

天地昏氛裏君臣草昧中曾知醫國手終辦濟時  
功盡悴翻成瘵殷憂轉劇衷忍看埋玉樹獨泣暮途  
窮

三

半世誰知己君年稍後吾西關聯幕佐東岳許門徒  
契濶心猶在過從迹未孤蒼茫寢門哭天地正暮蕪

四

晤語纔經日龍顛忽眼前餘生亦無幾適去儘隨緣  
片緋都門道寒水夕照天隣家聞笛淚忍復待明年

寄題金吉州

鎮草堂

北海初休戰東溪舊卜居松筠寒映牖陂隴近循除  
別鶴音舍古青蛇氣射虛誰如李飛將白首困軍書

金有古琴寶劍故云

澤堂集

續五

詩

十

寄別金道源赴安邊之行三首

缺月郊墟暝孤燈客店深聊同一夜語未了百年心  
朔氣春猶馭時憂老不禁鈴堂鐵關外肯復白頭吟

二

捧檄猶初志移官是主恩遲回辭鳳闕惻愴眇鷓  
原去住身誰適行箴道即存城塵餘一老瘡病正關  
門

三

尚想經行處遙知感慨同村疎兵火後樓迥朔雲中  
天地時方否衣冠道盡窮誰知嵇叔夜目送一飛鴻

寄題土谷鄭君基成新庄

散入新卜黃金谷令伯曾開碧玉亭石尉祗知誇富  
貴瑤京誰覩貯仙靈臨窻列岫排鬟髻繞屋蒼溪潑  
醪醴便是桃源真計活腥塵那得污巖扃韓記以土谷名黃金

之谷故云

次永言堂韻為具生鑑作平已

名區未必在深幽數架精廬六代丘幸有良朋研古  
簡不將遊子炫輕裘松楸滿目培根遠蘭玉當階奕  
葉休喫緊斯文千古事悟來聲利捨雲浮

尹翊贊元之挽二首

上舍聯袂早微班  
脫屣輕恢弘真國器  
輝赫舊家聲  
一第才非短  
多憂病轉嬰  
浮生未半百  
忍訣倚門情

二

坊曲曾聯屋  
江村晚卜隣  
行藏時自異  
夷險意逾親  
白壁埋何處  
黃塵困此身  
空將寒食淚  
寄洒薤歌晨

寄土谷鄭公

六袞始為人  
祖父三元日  
舉首生孫衰  
楊根幹春方  
壯仙李條華  
晚更繁英物  
定從啼處驗  
儒風終見法  
門尊知君宅  
相分佳氣雉  
岳鴉山自一原

次錦陽君補都尉韻奉送樂全公休沐江行公獎及

妾沂江入峽本遊覽詩而乞暇浴湯泉

湯泉初賜暇  
仙境洽成遊  
解艫遙通峽  
樓臺捻映流  
茶從綠珠點  
詩遣小坡酬  
大勝華清浴  
翻懷蜀棧愁

送尹判書暉質子敬之赴瀋陽三絕

禪子之心處  
子身門前不  
省有風塵  
一飛未奮冲天翼  
布褐羸駮塞外春

人間踏地捻  
傾危不必遼  
行是死機  
惟有別時心  
折處背城斜  
景落花飛

文王演易孔  
麟經夏授黃  
書圖臘更信  
國風簷讀書

意臨分此語最關情

送鄭方伯良弼赴湖西

沔曲松楸是祖塋熊津壁壘舊屯營百年多難傷心處  
半世交親惜別情水旱正乘呼癸急干戈未息戍  
申行知君利器無盤錯庶見棠陰溢頌聲

送呂學士爾載出守康津

滿目悲瘡痛同朝鮮適歡誰知花縣印能賭栢臺冠  
稻蟹陂田沃雲霞水府寬潘輿供宴喜絕徽勝長安

次樂全公見寄韻四首

公休憇龍津江舍以遣興作五言三句四首見

示開適冲怡之趣極矣植在城市愧無以和仍賦白谷舊居以寓思歸之意却寄樂全公以博

一  
天

東溪遶山廬上有白雲宿箴書一龕餘糊口十畝足  
時從二三子詠歌追沂谷

採山蔬甲香釣溪魚尾赤春甕適及熟獨酌山齋閒  
松風醒午醉不用陶公石

雲卧二十年林僧同寄棲清泉通厨滿綠樹與簷齊  
漁郎逐水至入境未全迷

楚蘭香可佩商芝味可摘采采欲贈誰千秋淚一拭  
長慚潁川翁素節終不易

送南文學老星赴瀋陽

凶虜攬宇宙碧海驚波飛西雲翳東旭仲夏下霜威  
龍殿盡失水佳穀俱已腓吾儕死且緩險艱安可違  
忠孝有輕重行藏多是非臨歧欲有言言盡恐沾衣  
惟須勉素位苟無渴與饑

謝長城韓太守振淇寄茶筍

代舍方彈鋏文園正渴喉故人傳札翰新味壓醪羞  
羹煮龍孫羨茶煎雀舌柔不須煩寄扇今夏冷如秋  
只有茶筍而不寄節扇故云

贈送黃半刺赴鏡城

陰山萬疊赴滄瀛都護名城上將營半刺雙旌今左

降參軍一劍舊經行緹帷幾結趨庭夢畫角頻驚出

塞聲朔雪炎霖來往地懸知同我遠遊情記昔丙辰仲夏下弦

以止評事冒暑潦逾重嶺六月末到鏡城仍巡歷諸鎮堡至季冬紀大雪東歸除日到京城至今思之酸心今送黃學士子由鏡府之行適當此時聊以韵語記之祝其早歸想不以冬行為苦也

贈送崔學士有淵出守星山

文昌芳躅古伽椰容老高詞亦大家千劫三災曾不

到君宗吾祖並堪誇應知作吏身兼隱便欲藏書計

恐差萬事風塵雙涕淚南天空指赤城霞我東崔氏皆出鷄林

謂孤雲同宗非屬也伽椰古稱三穴不到故有八萬藏經中朝學士曾請藏書近欲以先集私著文字請公附藏而恐不果故聯此語以為章非以為詩也

寄胡南方伯鄭君則 世規

舊識烏城勝爭傳今宰名熊車今按道竹馬定傾城  
惠澤須終始官堂任毀成行看循吏傳功業致公卿  
胡南方伯鄭公君則宰和順縣不佞為作軒記引漢  
朱邑桐鄉事反其意而美之今年鄭公以州西方伯  
歷都護府觀察湖南則朱仲卿之大司農不足以道  
也仍以小律跋舊篇異日或為湖海一奇蹟可知也

申副元帥 景瑗挽

曾提一旅赴重圍直取單于計已非尺劍詎忘曹沫  
恥三軍爭覩華元歸棋檍閣上形猶舊桃李蹊陰客  
不稀無奈祈連新塚起故人衰涕重沾衣

挽金息津 友淹母夫人二首

白玉曾埋彩孤蘭未沫芬辛勤南澗藻憔悴北堂萱  
不盡林烏哺翻驚隙駟奔幽明更餘恨湘浦有羈魂

二

九袞纔除二中年早守孀猶專三釜養賴有兩兒郎  
復魄他鄉遠同塋宿願償諸孫俱秀發積慶後應長

歸東谷作

問余何好却東還矮屋三間匝萬山晝厭蚊蚤穿布  
褐夜防豺虎吼柴關松林翳日簷常暝石磴緣崖道  
苦艱惟喜地深塵迹絕古書千軸伴人閑

七月六日夜夢至人家遇曹生漢英追至顏貌

數腴謂言偷隙暫來數日當復西入余約後夜相訪即辭去覺而記之曹方被拘在藩

瀋水遼山里數千片時孤夢若因緣乍看秀色知無恙却愧危踪未脫孳豺虎林中迷鶴鶴網羅淵底盡  
鯁鱸虫吟四壁驚魂斷依舊晨星限各天

崔承旨有海挽三首

草草都中別悠悠病後思緘書纔付遠函問忽同時積雪千山阻陰飈白日馳蒼茫暮途恨不盡薤歌悲

二

白玉樓徵記明珠蚌出胎縑緗傳世業籌筆幹時材

妙割無全目竒蹤任衆咍兒郎護玄草虹暈未應埋

三

江閣題詩處山齋載酒時行箴期共勉夷險貴相知世路豺牙血人生劍首炊鸞驂三島外回首更何思

啓山齋詩余於萬曆癸丑秋始卜先墓于左壙又東谷逾年遷先居仍記經始之勤焉

卽考墓右阜下作草茔以居仍記經始之勤焉一卽考墓右阜下作草茔以居仍記經始之勤焉  
宇居谷中垂三十年屢遷草茔皆仍風捲火燒  
國人居其鳩拙今年春余謝病歸谷兒冕先作  
草屋八間斤斧磨削比前則太侈西齋窓牖向  
陽明靜最宜老眼看書仍取前志以啓山名之  
復題一律時辛巳九月中旬

松林高下擁雲關九年前此啓山小子如今知肯

祖下當  
有考字  
目仍疑作



溘病夫於此且偷閑四時香火長瞻敬一壑風烟好  
往還最愛西齋明老眼陳編朝暮為開顏

夜咏二絕

千仞坑頭一棧懸老人騎瞎夜催鞭糜身碎骨須更  
事步步兢兢莫近邊

百尋淵底一枚珠堪照君王十乘車為語虞師勤守  
取精光中夜上騰虛

寄天章遠送文衡硯二絕此時此任此詩此物皆是文山夢中好事

幸勿說與他人也

父子文衡事絕倫成蕃仲後更無人青氈今復君家

舊世美絲綸自有真

重忝宗盟愧祖先今將遺鉢屬君傳天開地裂回春  
意倘是曇花再瑞年

題一珠軸

小閣風林響空山草露滋居隣雙樹靜心許一珠知  
祇覺身為幻誰言妄塞悲偶同清夜話聊贈碧雲詞

過東淮亭子次壁上韻東淮申公號

江湖正欲話淮翁城市無心謁子公一日路歧成錯  
迓百年人世足畸窮松揪寂歷春猶淺冰雪層凌凍  
未融謾向壁間賡好句羸驂還入亂山中

伏蒙南坡沈悅相國垂示慶席唱酬詩四章仍  
念植亦叨塵席次病未終宴以爲罪惧輒依高  
韻庸謝不敏

蓮榜賢甥出槐堂勝客來台星連座耀壽酒趁春開  
岳翠晴排席林寒晚破梅病身虛送席遺恨負深盃

送李仲深穆宗弟出宰昌平

一科與奪付兒戲丞慢郎潛迹亦竒笑領銅章湖海  
去不應回羨鳳凰池仲深登丙寅文科未唱名罷榜  
不復求舉歷官驛丞佐郎今得

比縣承旨洪勉叔方以未第登庸直院見仲深辭去  
面規云君不求舉甚非矣須回慮勿爲碌碌仲深答  
云足下爲承旨尚不足於心  
耶士友傳笑以爲名言故云

送金子珍南重出尹完山

人言湖南好我覺湖南惡每月地常震連年旱爲虐  
青蒿沒田疇白骨在溝壑名都鎮岐函大尹出臺閣  
功名信顯羨遊興奈蕭索勗君後樂心孤懷寄新作

送姜學顏大遂出守晉州

少時交態老知真常苦中年作別頻我縛文書無補  
國君從州縣且安親閉門京店三旬雪飛鳥仙鄉百  
里春咫尺城南遠祖道風塵潦倒病纏身

送鄭學士致和出守東萊

憶昔蠻方始款邊萊城賴得岳翁賢威行嶺徼同王

式辯折豪酋似魯連絳帳舊稱門弟秀黃堂又詘侍  
臣聯端令廟筭恢前績更勝侯色守太玄金館接倭  
是岳之門生故為述此

睦承旨禹卿挽詞

雅望當年動士林西崑連壁日南金大冬霜雪看榮  
落平陸波瀾試淺深官到亞卿方盡悴貴兼諸少且  
娛心堂空駐景長春盡鄰笛斜陽思不禁

閔水使仁信挽

青春快意五陵遊醉擁胡姬躍紫騮不害曹丘曾任  
俠何論李廣未封侯西山守死惟名節東海求仙亦

謬悠直到蓬科迎薤曲人間榮辱捲雲浮

別槐山沈使君暉二絕

衰年作別已知難卧病情懷轉覺酸惟有午窓孤枕  
夢時隨飛鳥到槐安

春宵明月酒如油聞說諸公餞隱侯茶鼎藥爐寒店  
閉病中空復動離愁昨聞城東之會病懷不堪  
馳遊強吟韻語以抒別懷

送具上舍鑑之潭陽二絕

竹亭風月擁紅粧曾試吳兒木石腸湖海舊遊真一  
夢白頭飢卧市門傍右記潭府舊遊

看君詞翰自能軍一試驚人不足云早返匡山讀書

處一床燈火更論文

趙持平公淑挽十二韵

昔作花城客君為慕老甥屢陪飛閣會先讓倚樓名  
弱冠嬉遊並連床意氣傾萍流俄聚散素海忽翻更  
玉在泥中潔松看雪後貞清班來却晚半刺政方成  
世患真無妄君恩許並生田園聊暇逸疾病又纏  
嬰每羨全清操深期到列卿前年嗟在已後死愧同  
庚苦海生何樂危途命亦輕唯應舊遊地聞笛淚先  
橫

日本國日光山詩次太學士韻

鯨波不動海氛空龍象千秋護秘宮日色禪心同一  
照山形祖印屹相雄雕欄迥壓鰲身黑畫棟高浮蜃  
氣紅盛業洪休符傑構扶桑天竺自神通

贈驪牧

驪江鄉里皆親舊存念雖勤遍舉難但願使君均惠  
澤家家不用問平安

贈別東萊鄭使君

維城。時通使日本承命作源氏廟堂寺鐘銘

銀潢一洗豕蛇腥依舊城池壓海汀學士新繫都護  
印蠻兒方款日南扃從知利器須盤錯未必緋袍是  
寵靈衰革初心吾已矣毛錐堪愧梵鐘銘

澤堂集  
吳賓客汝完竣示以年前燈夕唱酬詩其中有  
存念不敏之作亦數首要余追和之屬余重患  
頭痛熱眩久未之思也茲於病間感其致意之  
勤依韻襲律少效衷私牽強物担不足為詩也  
凡十七首

抱疾深居類獨園移家且避市聲一作喧頭風翳眼  
拋詩筆藥裏關心廢酒尊未識壺中歲日月那容銜  
內煮乾坤應同丈室維摩老一默都忘盡日言  
楊花撩亂走空園更着羣蛙兩部喧是處交親惟竹  
几幾人歡賞共金尊春催淑景纔成序陽轉朱明已

微坤身似蟄坏看物變此間真意亦難言

通衢咫尺閑閑園惟見爭枝墮雀喧幸有蒲團供宴  
坐唯將藥餌當深尊盈虛象在辛庚月動靜心存六  
二坤除却百年顛倒想遺編猶可契微言

素志區區慕綺園山棲半世息歌喧臺宜把釣苔為  
席澗合流觴石作尊蓬島豈逃秦日月桃源自闕漢  
乾坤自從誤逐旋招後弧矢生涯尚忍言

金剛一面訪祇園玉洞中藏萬瀑喧雲袖口翻青竹  
偈羽人親酌紫霞尊鶴歸玄圃巢傾樹鯨蹙滄溟勢  
撼坤蝸室一間勞夢想竒蹤難與俗徒言

西嶽當年謁寢園仙家鷄犬入雲喧霓為旌旆風為  
馬山作盤盂海作尊石老定知三過劫潮來真驗四  
遊坤拙生白首才為累空愧孫登曩日言

江邊曾占邵平園樵唱漁歌未覺喧老去甘貧惟飽  
菜客來問字或携尊慣聞孤鶴頻驚夢愁見雙鵝遽  
圻坤工部草堂寧復有邇來歸計但空言

城南高枕對丘園清疾年來慮不喧與世多乖甘抱  
槩向人真性畏空尊遙看縞帶江趨海側望瑤簪岳  
鎮坤朝暮烟嵐供悅目盡收奇勝與精言

猗猗美竹秀淇園知子清標絕俗喧詩格早追唐藝

苑筆鋒真逼漢英身偏蒙 睿賞恩傾澤合得高名

響振坤末路宦情從落拓陳篇須對古人言

廢興曾候洛陽園城闕新經虜騎喧幾處腥塵漫勝  
迹連年肺疾負朋尊身纏罪累心如恨仰愧皇穹俯  
跼坤欲為故人賡好句其如柔舌戒多言

燈宵詩播仲長園布鼓雷門敢效喧憶昔追遊看花  
竹尋常豪飲罄曩尊人生到此俱沾壑國步何時再  
整坤陳迹算來堪雪涕一杯聊欲與君言

隱几灰心似漆園耳邊天籟不知喧高詞尚想吳興  
筆豪氣思傾北海尊兩脚如麻宵漏屋雲陰似墨晝

靈坤城南十里佳期阻連榻何時諷道言  
連年旱魃滌田園側耳嗷嗷澤鴈喧救賜不煩搖大  
扇沃腸何必醉襪尊願聞仁政行時雨只在鴻猷效  
法坤一閉蓬門朝議絕早知廊廟殿莧言  
城東聞有給孤園山翠成圍石瀨喧佛榻靜須披竹  
簡僧茶味足敵菀尊早知巖洞宜肥遯爭奈雲雷未  
轉坤便合與君同作社藝松燒芋講前言  
軒冕何能博灌園機心不管小兒喧山東舊築誅茅  
宅江上時尋泛菊尊一落風波迷失所豈知腥血已  
彌坤銅駝荆棘都門歎倘記前時牘上言

甫里烟波栗里園居非耽靜動非喧閑中今古窮千  
卷聖處風流盡一尊岳老仙駱俄陟吳疎翁精魄久  
藏坤白頭羈宦終乾沒孤負當年發萬言  
名家已自闕場園狗吠驢鳴亦恁喧紫電競看森武  
庫黃流誰愛湛瑤尊孤輪月印江心水一脉波漸海  
外坤尚有觀風吳季子對君那得易為言

鄭壺亭斗源挽

蘭玉承家骨格殊志高前古隘寰區神仙早覩壺天  
秘富貴低看草露濡楓岳頭流留玉局堯洲度索蛻  
塵軀淮南雞犬何須問荒塚遼城捨螭帖

送朴盈德守文之任二首

世亂無安地官榮每苦貧偷閑翻適遠求養更離親  
粉署青門隔黃堂碧海隣唯須樹佳政忠孝兩全倫

二

東海曾思蹈西村舊築陂干戈未偃息骨肉坐睽離

一念猿腸斷餘生鶴髮垂君五馬去別語轉成悲

僕欲卜居縣地西村而事竟不成女兒因此避兵寓居不幸天殞今賦送行不忍開說形勝次篇及之不行素也

挽李彬正郎二首

彬生玉峯白光勳之外孫也玉峯生於弘治丁酉萬曆壬午在京客歿於京城祖孫年皆四十六而惟

彬登文科官至司憲府持平遷兵曹正郎為養乞外得長水縣監未赴歿官職頗優於祖而詞翰聲價不逮然玉峯與其子振男皆以白衣祭迎諡慎幕彬於丙寅夏以白衣被昇平公辟則踵前武矣

世稱南國美今識外孫賢翰墨真傳蹟功名稍掩前

何知火雞睍同盡水獅年莫是香山老滄洲伴鬼仙

二

粉省頻辭劇銅章為奉慈居然旅櫬返未及板輿隨

南郭新開話西關舊贈詩哀詞猶故意留付阿戎知

贈別韓景洪赴鎮海縣二首

靜女恥自媒貞臣羞自市監門分所安往役義難已



漳漳

英英西原秀荆王內舍美科名祇為親世紛不到耳  
一障非其任胡為漳海涘棲棲馬如狗觸暑戒行李  
荒城米鹽間誰識青雲士昇沈自有命夷險貴適已  
回頭聲利場得失竟誰是當時殷深源枉為蒼生起

二

南海炎墟瘴霧鄉翩翩鳧鳥去何忙多年索祭金門  
客千里分符水部郎叱馭詎嫌邛坂路望雲應陟太  
行岡老夫離緒偏蕭索環堵秋霖卧子桑

贈別仁同李使君惕然赴任

珥筆何年侍玉墀相逢斗覺盛容非桑田碧海須更

改社燕秋鴻造次違知府榮踰毛義檄趨庭喜動老  
萊衣白頭悵望悲孤露江漢淒風木葉稀

贈趙平昌國賓赴任

莫笑稀年把一麾騷人山邑正相宜松經雷斧留貞  
幹鶴唳晴臯竦瘦姿蓼末入厨宜養疾雲山繞榻好  
題詩誰知九十營丘叟坐博冷薇志士嗤

次東岳叔父韻贈片雲師二首

塵界埋金骨仙遊記玉樓支離吾獨老棲肩六經秋  
故里門留榜斜陽笛起愁雲公此時至話舊一潯聯

二

澤堂集  
可慕雲林士曾從楚澤臣詩騷蒙發部險阻任勞身  
存沒相尋地炎涼不俗人蕭條阮咸在非爾更誰親

又次雲師贈余韻並後序

曾被東翁契許深歸鴻佳句有遺音侯芭玄草誰論  
續此九清詩是碎金

東岳先生志尚丘壑雖身縻網弁而好班引  
緇衲贈遺詩篇殆無虛日然其詩唯談山水  
叙情素而未嘗用竺書文字或與之相對終  
日穆然蓋寄興方外觀物適已而止非如樂  
天子瞻以異教相求也片雲比丘乃捨講會

出深山從先生於謫所自北而東而西勞苦  
而不憚其意氣相契又與他從遊者不同故  
先生前後寵以詩最多比丘常和先生歸鴻  
歌作一絕甚警先生亟賞之又從而和之俱  
見集中今距先生歿之六年余方寓先生笠  
洞舊第而雲師適至以前後此九首來示余  
所舊和三絕亦附焉撫覽今昔悲愴可知也  
仍和短律二篇並叙其槩以與之顧此衰疾  
文思枯落無以發揮奇事助為不朽圖如坡  
老所傳是可惜已

次崔相鳴吉韻題僧軸三首

身似寒虫蟄心隨倦鳥飛風塵迷去住世事有從違  
是處逢雲衲何時共翠微禪談差可意重肯款柴扉

二

靜室薰爐一穗烟醒時趺坐倦時眠箇中自有天然  
趣不是逃虛學上禪

三

霧豹猶知自養斑白頭何事尚塵間綠蘿烟月仙山  
路悵望高僧獨往還

送李觀察德洙按關東

佳節蕭條病掩門籬花斂藥恥空尊此時又送關東  
使何日相尋峽裏村自媿微踪仍近列方知 睿簡  
在名藩神山浪迹應非願努力旬宣答 寵恩

寄東淮

昔與鄭仁輩多從文酒遊風塵餘白首江漢失清秋  
正想高亭好遙知勝事稠錦囊新句富知我有分留

日遊亭十景並後序

烟雨前宵鎖北峯朝來洗出碧芙蓉幽人睡起開窓  
早收攬晴光幾盪肯右沙峯霽色

望杏瞻蒲春事稠縱橫白水散平疇觀耕最是田家

樂預占黃雲十頃秋

右斗郊春耕

汀沙鋪雪水縈回落鴈雙雙一陣開最愛夜深霜月

白枕邊清叫數聲來

右汀沙落鴈

荷笠翩翩帶夕暉雲崖何處落禪扉遙知石逕孤筇

響驚起林間宿鳥飛

右石逕歸僧

古壘蕭條繞冢巔蘇文名字豈真傳紛爭蠻觸千年

事都入遊人醉眼邊

右蘇文古城

卧聽鳴鍾殷疊岑高亭西畔是叢林誰如晦老同安

日百八音中只一心

右彌勒晚鐘

沉網投竿入夜多搖搖篝火映江波烟消日出渾無

初本如  
作如

迹竹落家家曬綠蓑

右浮瀛漁火

桑竹青葱井落連前臨漁渚傍陂田烹銀炒玉家家

興驗取朝晡一抹烟

右金灘炊烟

清川一派海門通賈客帆檣倚便風此景最宜亭上

看營丘水墨畫江東

右前江風帆

山名為獨已超羣况有長松勢入雲黛色三冬元自

秀風聲十里更堪聞

右獨山雪松

成使君夏宗曾以一冊子求十景詩于東岳

叔父叔父許而未果俄遭西變以手帖還冊

子于使君亂後冊帖幸保而叔父已下世矣

帖中所謂太學士即指植也故悲感之餘不敢以拙辭亭在公州錦江上流即使君遠祖遺基也叔父手帖在大駕去邠之朝余此詩成於赴遼途中後之覽者當知吾叔姪為成使君眷眷意也

鳳山途中紀異言志

征鞍暫解古城圍鳴鳳寥寥去幾辰十月寒天雷殷地黃昏大道虎咬人亂離從古難全節文字於人祗誤身俯仰乾坤堪一笑浮生何似草頭塵

中和西館感舊

十七年前四度過東槎幕府最奢華白頭今赴遼河路古館淒涼對日斜前疑問

一松京途中次領相示韻

長途苦被簡書催虛歷佳山好水隈病後詩情如嚼蠟時危世味劇嘗梅蒼茫鶴野瞻東殿次第星軺望上台羈恨破除唯賴酒邇來瘠肺奈休杯

慈秀山次領相

慈秀山前涕欲垂東槎曾費幾篇詩人生萬事無非有露宿星行此一時

曾於戊辰冬起廢還朝具景輝亦闋憂服復入

史館奉命往江都余賦七言近體詩以贈行  
有衣冠重會鳳凰城之句蓋指京城而言也今  
者余與諸宰被追入遼拘留鳳凰城柵東宮  
率春坊賓僚自瀋陽來駐景輝以關西方伯策  
應館供衣冠之會宛然一大朝也景輝仍記拙  
句示余云此豈非詩識耶余始驚悟果若有前  
定之數仍用前韻私示景輝景輝具公  
鳳瑞字  
不謂衣冠此合并遼陽還有鳳凰城春宮久冒風  
沙地者宰還同霧露行早識才名身反累豈知詩語  
識仍成唯應快覩虞庭瑞鷓鴣聯翩會玉京

鳳凰城寓店中與同棲諸公伏受東宮賜送  
酒饌感涕之餘仍記乙丑正月臣植以輔德陪  
冠冊兩禮時有賜酒之榮即畫筵記勝臣植  
為之題叙今已十八年矣感舊興悲私成一律  
不敢以示人

憶昔春坊贊盛儀虎闈佳氣接龍墀黃封拜賜參  
諸彥彩軸摘詞動一時烏馬久淹秦地苦衣冠空結  
楚囚悲銀盃玉筋恩猶洽朔雪關雲淚暗垂  
至日次白軒韻二首

素祿長慚負盛明危途一役未須驚光陰荏苒經

冬至旅病支離滯塞城宵夢屢回巡鐸響曉班遙想  
唱臚聲天心悔禍從今始地底微陽正發生  
西塞頑雲翳日明胡沙千里朔風驚裝囊暫卸如鄉  
里冠蓋相迎似禁城已覺有身真有患何妨同病是  
同聲山林城市俱坑井未必歸田可保生

題劉松年觀蓮圖

百戰城池一軸全中原三絕海東傳何人管此湖山  
勝回首風塵更喟然

次白軒聽鍾韻二首

天涯歸夢日邊遙雪月寒窓度幾宵却憶青綾聯夜

直宮壺官燭供清寥

雪擁孤城冰塞灣寒房獨卧似弓彎時聞樓上霜鍾  
吼辜負鄉山片夢間是夜夢先墓

統軍亭有感

表裏山河拱一亭登臨轉使客心驚龍灣俯瞰猶朝  
海驛路遙瞻直走京白骨蒼苔新戰地荒原殘壘舊  
屯兵東翁當日題詩處蝙蝠棲塵盡桶傾

次李知事顯英庚申感懷韻

世說屍虫許人過直宰亦容私逕行今世此虫劇三  
彭遂令吾輩拘邊城福善禍淫理如契天日自鑑吾

中情何用區區守庚申終宵不寐對孤檠樗蒲一歡  
付少年春意欲破陰崢嶸四老但當歸古里不待鍊  
丹金骨成

次西礪贈李知事韻二首

西礪金公尚憲一號

冠蓋無端會塞門一城分占小丘園壽星天上應分

照來歲須歸漢上村

漢上恐作北

落羽窮鱗意更親人間憂喜亦相因微軀敢道星文  
應且作商顏第四人

附元韻二首

天涯邂逅接柴門歡會依然似故園他日龍灣輿

地誌定知編入壽星村

雨散星離未易親關山萍水豈前因明年各自東  
南去更說并州憶故人

次曹守而

漢英客堂西礪韻二首

新亭舉目異江河萬事驚心鬢髮華縱有浣花工部  
屋天涯何事此為家

羅舍宅舍仲宣樓從古騷人選勝幽一室他鄉君自  
適灣城他日盛名留

途中奉次西礪寄示作仍和前韻二首

荒村連日款高門一室蕭然似紺園斲繫萍流俱失



澤堂集  
意明年重會又何村  
遯野風期未敢親後先同病各由因唯須異日東都  
會許作尊前潦倒人

附元韻二首

君行先我入脩門雪裏春回五畝園從此魯家山  
下路夢魂長繞水東村

蒼顏白髮已相親詩語流通更有因洛社舊聞容  
凍水許君添作座中人

次開府蓮亭韻

新闢池臺勝清幽擅此邦冲襟和霽月秀句敵澄江

賞淨朝憑檻耽香夜拓窓吾行當歲暮恨負吸筒缸

贈李大諫士深厚源二首

諫議清名世已驚儀曹辭命愧虛聲一時共脫囚秦  
厄他日能忘在莒情

山雪河冰馬屢驚胡笳隴笛捻悲聲一行先後休相  
較捻是危時一種情

澤堂先生續集卷之五

澤堂集

續五

詩

三十三

澤堂先生續集卷之六目錄

詩

李判書顯英挽二首癸未

全知事提稅二首

韓延安會一挽二首

許府使僭挽

贈朴仲久長遠出宰安陰

送尹學士樂天順之使日本

送趙典翰日章使日本二首

送申吏部君澤濡從使日本二首

送張察訪次周赴官自如道二首

送安海州獻徵出守

病中送仲木賢弟赴金溝

送端兒遊天磨山

次李進挾仙亭韻

次東淮舟中示韻二首

趙參議國賓挽二首

贈朴觀察遠赴海西十絕

寄東淮間居

次金晦而栗里村庄韻二首

金判府事

時讓挽

感懷時受湖南考史之命

銅雀李都事光翼亭子次東岳韻

稷山客館東軒次東岳韻

稷山途中

文義途中苦熱流汗自嘲之作

山陽縣有虎溪降仙臺等處東岳曾欲卜居

茂朱縣次韻

僧覺明詩軸次東淮韻時考實錄于赤裳山

次遲川韻題覺明詩軸遲川崔公

錦山感古次岳叔板韻二首

龍溪院樓午憩

礪山解見百日紅

礪山會話南方伯追寄以謝

題金溝客館并小序

題泝瀛堂

奉題

宣廟書扇詩帖

秋水相和即其詩句

送李善述出守密陽

挽朴魯直二首

寄端兒

題東淮畫帖二首

淮翁席上次鄭子容韻二首 甲申

奉呈忠清金按使尚行軒五首

口誦贈子容

送洪承旨叔京南歸

寄題李子陵令公時雨亭

寄題李直夫尚書湖庄二首

送嶺伯林載叔潭再按

豐寧君 洪公挽

韓判書仁及挽

韓留守必遠大夫人挽

送寧海朴使君吉應○使君是  
東岳舊門生

具監司鳳瑞挽二首

送林使君棟赴南原用崔東臯廣寒樓韻二首

同諸公會清風池閣奉送金晦而光炫甲丈解

官歸鄉用前日三清洞聯句韻六韻

尹叅判堉挽

寄謝素隱慎伯舉

李韓平慶全挽

韓正瑄挽

東陽尉挽

贈別鍾城柳使君景緝

題允禪比丘軸

沈判書諱挽

任賓客統挽乙酉

錦陽尉挽二首

寄關東方伯南澤之銑

申同福起漢挽

朴校理漪挽

柳縣宰周尹同牢壽宴詩次韻

飛字八海歌

題監察題名軸

題李忠州欄八馬圖

浮江亭

題隋煬帝行幸圖二首

昭顯世子挽詞三首

李應教必行挽

奉寄金堤趙使君凍三絕

寄冕兒

寄李判書汝省謫所

郡主挽二首

贈別東萊黃使君序

贈關西方伯朴公遜行

樂歲新居八詠

窓間列岫

戶外長江

東嶺朝霞

西山落照

驛村炊烟

風浦征帆

江城暮角

覽寺晨鍾

質子別

質子怨六首

贈光州牧申汝萬翊全○丙戌

人日有懷鄉山時聽勸郊外經年棲泊未穩

穀日又賦

上元夜兩

觀讀書堂舊址

發東江舟中作

澤堂卽事二絕

舟發驪江書感

青雲君沈命世夫人挽

郭司藝龍伯挽

送赴燕使三首

上使全昌君駙馬都尉柳公廷亮

副使完南君李公士深

書狀官朴寺正吉應

送朴仲久出守白川

道中感懷

暮秋歸驪江村舍

歸白谷舊居

十孤詩

孤竹

孤松

孤蘭

孤鴈

孤鶴

孤劍

孤舟

孤雲

孤嶼

孤月

遣遇十首摘杜句分韻冬至作○杜句即結吉

次海嵩尉寄示韻

次前韻題允禪軸

次前韻題玄俊軸

次前韻題哲會軸

荅白軒相公寄示韻

杆城校生津遣人致問饋窮谷余去杆已十四



冬美感念舊遊為寄一律兼以謝厚風

寄謝江原方伯柳汝常恒

題法尚軸

五月十九日口占代筆丁亥

澤堂先生續集卷之六

詩

李判書顯英挽二首 癸未

滿目悲塗炭同行仰老成平生忠信力一笑險艱輕  
鶴野重關遠龍灣數月更那知松岳路雪涕溯歸旌

二

筍玉飛騰早貂金位望尊孤忠輸際遇稀壽盛兒孫  
亂世無全福長途返客魂前期冥府會應說抱州村

全知事 混挽二首

經術揚名早榮途振策逢雲龍時遇合戎馬事艱危

澤堂集  
一老安田里同朝望蔡著無何歌薤露不復咏商芝

二

昔在彙征日瀛洲忝列仙知公真長者遇我豈徒然  
江嶺終相阻萍蓬亦有緣龍鍾遲一死真會更何年

韓延安會一挽二首

往日山陽侶知公契許深行藏猶素履艱險壹精枕  
乍輟停驂話俄傳屬纊音真期應不遠吾已病涔涔

二

比屋金張貴聯車許史遊古今同汨沒吾子獨清修  
作郡聊供世術盈為寫憂郵亭一宿覺天地等浮漚

許府使 個挽

清謹家傳業恢奇間出姿平生盤錯器每苦簿書期  
天靳稀年壽人稱肯構兒宅時思舊淚唯有砥城碑  
贈朴仲久 長遠出宰安陰

林烏鈔句徹 宸聰天語丁寧感至衷地部調貧  
恩已渥黃堂便養孝方隆清標合近神仙窟餘力應  
多簡冊功老子不須身自得巖廊宅日看移忠

送尹學士樂天 順之使日本

輕寒不散賣錫天病起纔堪上別筵梅雪落時人度  
嶺屢樓浮處客登船扶桑便是湖洲路行李今歸玉

署仙材俊政需 王事急未應腸斷哺烏前  
南冠北窖盡危途惟見君行足壯圖馬島舟航連日  
域龍宮樓觀別仙區天臨梵宇 宸題額雲擁靈壇  
法醞壺最是蠻兒思偃武不妨詞翰與霑濡

送趙典翰日章使日本二首

愚智雖殊迹艱虞併一時吾經遼塞險子蹈漢槎危  
官事誰能了文名竟自欺何當湖外路匹馬赴幽期

二

水陸四千里春秋八九冀須知綸綍重豈憚險艱經  
直道通溟漲清飈洗瘴腥還應留彩筆萬古照雲屏

送申吏部君澤濡從使日本二首

冠冕通桑海君家有泛翁文華今踵武 王事最輸  
忠鷁首鯨濤外鶯林蜃霧中探竒仍問俗不必到壺  
蓬

金馬神非蜀樓船使異秦天心先息戰海國自求親  
幙府遴才子星文動遠人詩書開陋俗何地不王春

送張察訪次周赴官自如道二首

南北無安地乾坤盡殺機山林人且阮廊廟道全非  
古驛堪投僻微官可抹飢平生長往志白首羨君歸

二

抱疾常關戶追君此出郊餘寒花未拆乍雨草微苞  
薄宦淹佳士危途擬素交南州一千里離恨詎能拋

送安海州獻徵出守

文章五彩自相宣不許蓬山厠列仙去佩首陽都護  
印先題蓮閣早春篇虹光莫惜輕投暗龍氣應知上  
暈天佇見春陵流羨化且休歸刺釣魚船

病中送仲木賢弟赴金溝

我病還休出君行不少留危途堪滯迹老境倍離愁  
客路花初謝官園筍正抽親年方賴祿毛檄可輕投

送端兒遊天磨山

容祖天磨遊弱齡二十三同時挹翠公文苑並兩駢  
遺篇照今古老語敵禪談憶我三十四行役投石龕  
巖洞苦未遍纔窺姑鈿潭惡詩詠瀑布回對雲山慙  
勝遊不可再衰髮白盡鬢爾兒年最少方行事幽探  
幸無名繯絆遨遊興自酣胸襟攬奇秀浩氣當雲嵐  
歸來謁乃翁文字青出藍不用守庭闈跼居舌若瘖  
此外勉加滄行李慎所悞

次李進挾仙亭韻

箕城南陌即長干聞說新亭結構安家足素封宜納  
祿名高文苑肯求官漁村水市環三面海月山嵐共

一欄不用挾仙超世外滄洲玄圃座中看

次東淮舟中示韻二首

淮還自潘陽與其子最欲赴端午歸掃先壙舟中小酌云

已噫蘓卿雪何傷荀令香東歸白雲閣先舉綠蒲觴  
以我仍拘宦多公好返鄉山林亦有累何處覓康莊

二

龍門休白傳燕寢侍黃香江漢看歸楫晨昏好奉觴  
向來名作崇何似醉為鄉彷彿桐江叟垂綸不姓莊

趙參議國賓挽二首

憶子分符去當余伏枕時旋拘西塞役虛枉北樓詩  
世事乖人事生離遽死離江鄉阻一哭泉路倍長思

二

早歲屠龍譽中年履虎危初收炎瘴迹才亞白雲司  
忽忽槐安夢依依薤曲悲思量不朽事詩卷付瓊枝

贈朴觀察蓮赴海西十絕

山陽舊侶早歸真末路浮沉愧此身存沒即今悲且  
喜白眉文雅是天倫

鴈行龍榜繼揚英出入賢勞際 聖明駟傳初迴遠  
朔野麟符新按海西營

海西都護海陽城方伯曾從牧伯行遙想北樓尋舊  
作棠花落處淚先橫

海西方面控王畿兵後人民大半非飛輓至今猶未  
息幾時寒谷徧陽暉  
知君妙割目無全冰槩家風自有傳從此老夫措病  
眼行看紅粟溢窮廛  
即山煮海民猶病築壘懸軍士亦勞惟是舊來推剽  
俗可无絃誦與坏陶  
芙蓉閣古先朝御薇蕨山名後代欽栗老遺風祠  
院在舊遊陳迹最關心  
四聖玄蹤九月山沙汀翎鳥海灣環高吟爛醉今何  
有三十年間一夢還

經旬霖雨病昏昏蚓蚪蛙鳴苦厭喧謾把新篇追壯  
觀真成一嚼過屠門

衰疾年來屏百為故人交義只心知城西一餞何由  
得正屬公車請急時

寄東淮閒居

北海初迴節東江復掩扉松筠相對瘦魚鳥共忘機  
處僻名逾逼憂時計已違先朝奉車地歸夢定依  
依

次金晦而栗里村莊韻二首

墩姓無妨與謝公里名真合擬陶翁半生身世榮枯

變千載心期出處同屢把一麾開林釀頻來三運籌  
榛叢時應芋火尋幽興賦得燒甑語更工

江海宜長往兵戈奈未休君居近京口來往亦風流  
釣渚魚跳夜莊園栗綻秋山陰如發興一棹擬相求

全判府事時謙悅

直節忠謀 聖主知竒蹤獨立衆人疑將星乍耀都  
元帥卿月增輝判度支却為衰年成廢疾不隨塵世  
有遷移丘明傳志猶堪續郢質無憑我獨悲

感懷時受湖南考史之命

閱盡悲歡老世塵盈虛得失捨相因全生只在箴名

地適志終歸屈迹人晚飯徐行貧自足閉門高枕懶  
為真年來一念難消遣宣聖當時亦感麟消遣一作忘處

銅雀李都事光翼亭子次東岳韻

朱闌高映綠楊灣梧竹參差井臼間漁子挺叔潮落  
渚行人競揖日銜山虛名我已成乾沒薄宦君能做  
半閑登眺却妨駟傳促開樽擬趁菊花斑

稷山客館東軒次東岳韻

壁上東翁筆人間甲戌秋餘生雙涕盡往事一漚浮  
古縣兵塵後荒村野渡頭嚴程聊借憇無興賦登樓

稷山途中

浮萍身世白駒催  
南北東西幾往來  
慰禮城前湖海  
路經過已是十三回

文義途中苦熱流汗自嘲之作

一冬風雪遼陽役  
腰骨經年尚帶酸  
六月炎蒸湖外  
路汗流霑眼欲成  
斑都緣文字招灾  
累誰問東西飽  
險艱多少侯家好  
樓閣玉床冰簟卧  
方閑

山陽縣

有虎溪降仙臺等處東岳曾欲卜居

萬山重匝一川回  
行到山陽眼忽開  
桑穀數村鄰  
廨宇楓栢一面蔽  
亭臺青莎綠浪移  
舟穩落景層陰去  
駟催千古勝區誰  
領要邑人猶記岳翁來

茂朱縣次韻

歷徧千峰萬壑濱  
桃源何處訪仙真  
忽逢古縣依林  
僻便有高樓觸境  
新積翠當簷排赫  
熱清漪映檻絕  
纖塵驪江白谷依  
稀是猿鳥年來奈  
怒嗔

僧將覺明詩軸次東淮韻時考實錄于赤裳山

寶閣依峰峻  
芸編對日長  
塵蹤仍水石  
散地却衣裳  
鉛槧平生累  
風塵暮景忙  
何當從此逝  
鸞鶴與飛翔

次逢川韻題覺明詩軸

逢川崔公

風埃十載費行纏  
虛送春鶯與晚蟬  
鴻鴈去秋隨北  
向鷓鴣何事又南遷  
仍投岳寺雲邊榻  
更閱逢翁軸



上篇倚伏昇沉都夢幻一彈指頃去來禪潘翁尚在

遭厄時有先後故有過禪來禪之朝

錦山感古次岳叔板韻二首

淚灑遺篇墨綬鄉追遊無復似山陽支離小阮人間世南北行裝兩鬢蒼

志士捐軀比舍魚盈朝賢俊愧簪裾荒原舊路殘碑在時見征人為下輿右咏重峯遺迹

龍溪院樓午憩

跋履千崖路來登古驛樓醒心松籟爽偷眼火雲浮雨意偏催客蟬音已帶秋前驅還木杪艱險幾時休

礪山解見百日紅

湖海經過地陳踪似夢中羞將雙鬢白重見十旬紅晚艷欺荷粉新粧媚竹叢仍思兩溪里佳句自兒童

百日紅湖南多有之餘兒時在古阜兩日村賦此花長句得詩名實自此故云

礪山會話南方伯追寄以謝

七月湖州界逢君會此堂壺冰先解渴棠樹好追涼戒口思焚硯消中久覆觴憑誰酬勝事歲暮勗毋忘

題金溝客館并小序

金溝縣之客館燼於龍蛇萬曆辛亥縣令李侯慶滉重建而未完以歲之久隨以侈漏今

澤堂集  
年春宗弟仲木柅出宰是邑重加繕修施以  
丹雘奄作一新館而館之西舊有蓮堂額以  
泝濂者則縣令朴侯守弘所重建今又一樣  
新之時當歲荒不費民力便宜起廢及於廡  
宇可謂敏而有功矣時余奉命紬史赤城  
聞而喜甚初欲造觀竟以枉驛未果湖海之  
遊不及布衣時良可慨也仲木來會余于壺  
山索一言以為記追占律絕各一以歸之  
金城賓館屬重脩湖海風烟念昔遊 王事未遑尋  
舊迹友邦猶自說賢侯梅香竹翠偏宜臘稻熟魚肥

正趨秋京洛市塵門更掩水雲千里夢悠悠

題泝濂堂

圖書糟粕匪心傳廬阜溪源未可沿看取小堂真景  
象滿天明月一池蓮

奉題 宣廟書扇詩帖曾見妻兄沈挺世得此

類傳于世延川李子陵自以為其田野之居有  
類於詩中語作帖為畫求詩於諸學士云○秋  
水和烟釣春田帶  
雨耕即其詩句

少小窺宸蹟留箴是沈生摹傳猶妙絕詩畫亦隨  
成釣石君新掃畚田我舊耕歸依須及早此外更何營  
送李善述出守密陽

海寧集  
衰年此別意何如南下密城千里餘從事已嘗行路  
險退憂今得好樓居聞密陽新作楓林菊蕊秋方媚  
鱸膾蓴羹計未踈只欠親朋開口笑知君回首重躊  
躇

挽朴魯直二首

緩急人皆有炎涼衆所移吾儕惟義氣此道未磷緇  
白首怜同病青山負後期龍鍾餘一死獨立更何之  
二

桃渚春生漲麻湖月上弦過從非取醉陶寫幾連篇  
勝事堪傳後陳蹤只在前城塵淹老疾無路哭新阡

寄端兒

遊山如讀書須及少年時筋骸一衰謝登陟奈力疲  
記性亦在早已老悔難追乃翁幼多病二戒俱犯之  
白首坐蛙坎俛仰空嗟咨聞汝遊天磨楓菊正紛披  
一事即無負大業在書帷歸來莫懶嬉簡編可孜孜  
為汝喜且勉因之寄新詩

題東淮畫帖二首

匹馬曾從江路歸千山凍雪鳥休飛分明粉繪開生  
色依舊溪橋跨石磯右次韻

茅茨蕭灑水西隈寒勒叢篁雪正皚不為山陰乘興

客柴門日夕向誰開

淮翁席上次鄭子容韻二首

時子容將歸湖外諸公有唱酬之作

甲

富貴春花雨後紅生涯泡沫水邊空已知軒冕皆身  
外安得江湖在眼中是處盃觴聊暇日故人棲遁自  
高風唯應索句梅簷下時念淮翁與澤翁

久宦令人面發紅今年歸計又成空霜靴累趼金門  
內汗竹虛窺石室中未報國恩頭已雪試聞時事  
耳生風多君浪迹江湖遠應向塵埃惜此翁

奉呈忠清金按使尚行軒五首

弱齡同榜盡凋零頭白看君尚典刑却喜聖恩猶  
歷試高牙大旆國西扃

癘氣連年屬荐饑湖西千里最瘡痍行人去夏傷心

處只有青山似舊時

僕去六月奉使經過故云

慰禮扶蘇故國都皇華問俗却殊途魚鹽海邑多齊  
氣絃誦山村足魯儒

脚底陽春待使君獐麕虐雪正紛紛龍蛇赤子湏吏  
事只在公私一念分

沔上松楸四代立孤生已擬托餘麻湏君惠澤蘇群  
槁容我閑園掃四休

口號贈子容

病後始開酒送君湖外村生離與死別都付醉醺醺

送洪承旨叔京南歸

歲暮此為別故人情若何携孥去京洛犯雪渡關河  
夙好詩書在時憂畎畝多風塵餘一老萬事髮雙皤

寄題李子陵令公時雨亭

江甸連年旱君亭好得名溪聲多遠響山氣少全晴  
步屨蔬畦潤開窓麥隴平題詩當歲暮三白殿秋成

寄題李直夫尚書湖庄二首

故國遺墟草樹多亭臺隨意占坡陀高欄寺近乘船

八半月城空杖策過亂世行藏吾已矣古人憂樂子  
如何江湖廊廟休分別一種風塵兩鬢皤右遠憂亭  
匹練江光動碧虛堂開清隱近精廬小山疑自羅浮  
至高閣應分禹穴書仙骨有真非素尚道心無累合  
幽居何當一棹經過便竹徑梅簷任所如右清隱堂

送嶺伯林載叔潭再按

利器當盤錯榮途未老衰重臨仍嶺服暫入亦樞司  
七十城同俗東南海接夷宣風與備兩祗在撫瘡痍

豐寧君洪公挽

兩世通家近百年孤生晚節倍相憐虛名小技頗爭

長上第元勳孰並先滿目風塵收涕淚一心金石保  
貞堅深知不日泉途會忍寫哀詞挽素旄

韓判書仁及挽

玉樹清標相國門橫行白馬早承恩周南留滯時  
當否漢省超遷位更尊絕域回槎添宿疾良宵剪燭  
負前言眼着朋舊凋零盡潦倒風塵愧獨存

韓留守必遠大夫人挽

五福天申命三從道在身恩華二品誥祚胤四村臣  
鶴筭方垂毫雲軒遽返真升堂事已昨孤露轉添辛

送寧海朴使君

吉應○使君出宿東郊  
性十里村寄此以別

十里城東驛雙旌海上行春寒餘凍雪路險更脩程  
亂世輕為別衰年獨有情楊雄舊時宅從此阻侯生

使君是東岳舊門生而僕時寓東岳舊第與之相從而有此別故云

具監司鳳瑞挽二首

金門未識歲星精一試囊錐萬目驚兩郡十碑留惠  
澤七年三路見澄清忠專報主寧辭難善欲同人豈  
讓名不道雪山傾并絡虛疑玉鳥上瑤京  
膠漆相期自禁林危途偏覺素交心一寒念我綈袍  
在半道煩君皂蓋臨當日孰知仍永訣此生那得更  
追尋唯殘寂寞憂時淚哭向西州倍濕襟

送林使君棟赴南原用崔東臯廣寒樓韻二首  
三韓方丈廣寒樓合着元龍最上頭絕境便紆龜印  
去新詩行見錦囊收萍蓬忍作中年別湖海曾同匹  
馬遊寒店病吟添寂寞短簷風日落蝸牛

出處曾同趣賢愚却異倫江湖占地勝襟抱自天真  
乞退猶名邑分憂自近臣誰憐東峽老芝製污緇塵

同諸公會清風池閣奉送金晦汝光炫甲丈解

官歸鄉用前日三清洞聯句韻六韻

為赴名園約相將久别人流年環舊甲節物近佳辰  
澗響琴台美山容黛蹙顰偶成開口笑一洗滿襟塵

宇宙悲身隘江湖入夢頻羨君歸興足梅柳故鄉春

尹叅判捧挽

貴戚誰非士清名實自公先王鍾宅相元輔樹家  
風玉剖西崑礦蘭移上苑叢脂膏曾不染津筏自能  
通粉署連珍館金華邇紫宮辭榮仍試剝攬轡亦臨  
戎獨立非違衆多艱要匪躬是非名未玷出入寵  
愈隆一病翻沉痾中年遽告終鬼應憎早達天不憖  
孤忠鶴髮方無恙鴿原奈併空傳鑪髮女隻加經庶  
孤恫倚伏無窮事幽明不盡哀淒涼分陝樹寂寶舊  
臺駘末契踈慵忝斯文趣味同牙絃從此絕郢斲為

誰工故舊哀歌裏乾坤痛哭中何當聯玉鳥一笑會  
羸蓬

寄謝素隱慎伯舉

湖海曾遊興已闌歸心尚憶對君歡大冬嚴雪貞松  
老千里狂湍砥柱安聞道細民安畏壘可知群盜避  
王官小山松桂堪招隱欲和微詞轉覺難素隱子趣  
跡海山余  
汨沒京國相望千里無由一律奉謝且聞南中人視素  
章余愧無以和答率占一律奉謝且聞南中人視素  
隱子如庚桑可知盜不入谷此亦亂世之福也故  
篇中及之非謂素隱之道止於庚桑司空等夷也

李韓平慶全挽

曲江磴榜觀昇平數歷三朝兀老成香省玉堂疑昨

夢酒樓詩社笑浮生歸來遼鶴人誰在指點滄桑事  
可驚正屬槐黃亡藻鑑汗顏終始愧提衡

韓正珩挽

泮水先朝彥風塵老太常芙蓉開苦晚蘭蕙殞何忙  
海崖封新墓江村閉舊庄應從地下友人世笑山王

東陽尉挽

間世真豪俊斯文尚典刑驂駟徒惠養蘭蕙自芳馨  
末節嘗夷險高懷任醉醒鋪金誰作埒枕石別開亭  
一世傾風裁三朝與寵靈囊書纔奏御斧屋忽  
封扃爽氣超塵滓精英付汗青殘生蒙真醴前閣許



談經鸞鳳嗟先逝蒲楊却後零山陽他日淚鄰笛更  
堪聽

贈別鍾城柳使君景緝

鍾城舊號是愁州太守今行又屬秋白草連天迷遠  
目寒江繞郭界荒陬酒燒麥汁那成醉妓雜軍裝亦  
可羞應有澤翁題壁字知君登覽一銷憂

題允禪比丘軸

澗溜穿林逕松花覆石臺僧歸山日暝寺在隴雲堆  
短世驚風樹塵寰閱劫灰從今共禪榻一任歲華催

沈判書誦挽

先朝學士典刑存八座耆英譽望尊 主辱時危當  
盡瘁計深機迫豈輕論漳濱一疾仍乘化湘畔孤臣  
尚抱冤五福平生惟此恨悲魂應逐斷腸猿

任賓客統挽乙酉

遠朔風沙翳虎闈商顏白髮困駉駉秦關未及烏頭  
變漢徼俄聞馬革歸典備哀榮 恩更重家傳清白  
道猶肥傾都挽哭何須數沿路行人涕盡揮

錦陽尉挽二首

脫略膏華地婆娑翰墨場早知憐俊爽誰更惜摧傷  
熟醉忘榮辱高吟謝否臧唯應恩澤表不愧杜當陽

二

亂世無全福名家亦不長詩應窮貴相酒却誤剛腸  
次第埋雙璧淒涼閉一堂空餘舊賓客濺淚百花傍

寄關東方伯南澤之銑

苦憶關東勝欣聞按使賢寒帷滄海日弭節玉峰烟  
直以官無隱何妨醉得仙應憐柱史老昏眼困陳編

申同福起漢挽

賀吊如何迭在門冥茫天道不堪論一作未堪言競看荀  
鳳齊飛八猶惜揚烏獨天昏榮宴公堂纔撤席凶儀  
官路忍攀轅春來未報梅花信哀挽相將但淚痕一路

道作

朴校理滿挽

寒窓小話記春初同病相憐竟未攄不謂玉樓催檄  
召忍看瓊樹掩丘墟鑿坡翰墨留遺蹟海岳烟霞想  
遜居回天黔貧誰預筭風燈泡沫捻歸虛

柳縣宰周尹同牢壽宴詩次韻

千載瑤池會上仙何如兩羨世間全合昏往日還今  
日踰耄高年似少年舞彩登筵增後慶纏紅侑酌憶  
前緣期公百甲尋茲會待我賡歌續此篇

飛字入海歌

青鯨鬣束彤玉管星泓晴日流銀漢亭飛筆飛字自  
飛謫仙已矯凌雲翰霓旌羽蓋碧海東蕭君肯顧蕭  
齋空真官錦詰詔風伯不待點睛催龍公人間長物  
唯此取物外竒蹤定無偶書虫剥紙蝸畫涎天祿青  
藜欺白首楊公土彥嘗作飛來亭于鑑湖上大書飛  
字帖壁楊公在謫所觀化其日風雷亭壁  
接飛字入海去世人傳奇如此乃揚公  
大瀧理一為求諸公歌詠故勉為之副

題監察題名軸

每被殿中友求題軸上詩溪山空見畫杯勺此非時  
但勵朱絲直休嫌紫綬遲他年檢姓字亦足見心期

題李忠州欄八馬圖

八駿古圖已失真吳興此畫無乃是骨稜肉強最難  
狀精神權竒略相似水墨依稀認驪黃毛鬣颯爽霜  
飈起一軸流傳數百年李生得之遼陽市不知真骨  
落何處下或為龍上天駟陰山鐵騎滿中原一馬渡  
江河所止侯家秘蹟散風塵蓬轉壁全真偶爾吾東  
八駿亦虛傳悵悵乘黃路旁死安能萬里事橫行百  
戰乾坤灑深恥

浮江亭

二江環合小洲平亭勢真成畫舫橫列岫參差來几  
席滄波滉漾動簷楹方壺靈境知非遠珪組榮名直

澤堂集  
可輕老我已孤江海興新題謾寫卧遊情

題隋煬帝行幸圖二首

西岸紅樓拂柳青  
畫船綈騎擁雲輶  
可憐千古繁華事  
終愧河汾一草亭

木榻蒲團卧澤堂  
短蓑垂釣即溪航  
龍舟錦纜千年事  
輸與阿麻自擅塲

昭顯世子挽詞三首

歲運丁艱否  
天人亦札瘥  
珠庭還薄相  
玉質遽嬰疴  
萬里銅車返  
千秋隙駟過  
旱炎翻泣雨  
哀誄變謳歌

二

遼薊三千里  
風沙八九秋  
烏頭纒變白  
鶴馭遽昇緌  
南撫曾遺澤  
西行亦壯猷  
宗祊猶有賴  
聲烈豈長

休

三

少海涵濡普  
微臣際遇偏  
虎闈初奉引  
鳳柵再生全  
報答終無地  
心肝但視天  
菲詞愧幽誌  
此血續哀篇

李應教必行挽

不見芝眉歲十遷  
風塵人事捲隨緣  
蒙茸忽見孤蘭秀  
霜雪方知老栢堅  
明主有恩容遁跡  
化工多忌促脩年  
東臯相業南川節  
百世芳名可並傳

澤堂集

續六

詩

二十一

奉寄金堤趙使君 凍三絕

清如寒玉直如絃三絕才無老鄭皮芸閣詎容儒素  
寄萍鄉應識使君賢

輞川本是詩兼畫松雪人言畫掩詩一幅湖山題好  
句卧遊心事倘相知

池臺樽酒昔留連回首湖山廿七年忽喜故人新管  
領壁間應有續題篇 忽一作且

寄覓兒

四歲膝置孫隨爺上歸舟挽鬚問祖翁何不往驪州  
意惜與翁別琅琅言不休翁本係廩祿知非強淹留

向人故飾辭云三國恩未酬兒既不可誑囁嚅面更  
羞謾謂從此逝携汝以優游斯言不容宿宿志尚可  
求踈糲苟能繼茅茨亦足麻屈指陽月間蘭臺畢校  
讐此外無補國於身增悔尤引年乞餘生將身返故  
丘暄簷抱孫坐世事一雲浮

寄李判書汝省謫所

正二品卿九十親半千里路一孤臣縱知雷雨開旬  
月何忍門閭阻暮晨數有乘除須順命天將拂益且  
安身不妨細酌澆愁酒靜室薰爐味更真

郡主挽二首

窈窕天人秀柔嘉內則儀如何一紀促便與九重辭  
湯沐加名數哀傷倍 聖慈秋風素澹路草露盡漣  
漣

二

正屬 前星耀邦知婺彩淪鸞駮冲一隻石鏡掩孤  
輪露暎青葵曉霜凋碧蕙春彭殤同一筭司命意何  
因

贈別東萊黃使君

賦詩退虜已知難萊鎮何煩侍從班宋子精忠曾激  
懦岳翁廉政得蘇殘送君今謝青綾地從事纔經赤

島關千古斯文一心印海雲仙蹟最堪觀

贈關西方伯朴公

東州使節換西關閩鉞新陞二品班 王事此時堪  
首疾宦途何處覓心閑仙鄉水石應無分故國樓臺  
亦足攀祗是輸忠無遠近正須努力濟危艱

樂歲新居八詠

極望江天豁披襟爽氣增全輸一窓內齊竦衆峯層  
縹緲濛烟雨崢嶸鏤雪永高吟謝眺句幽興坐相仍  
右窓間列岫

萬古驪江峽孤村鳳麓偏鳴灘來枕上涿漲是門前

澤堂集  
稼圃多依渚兒童慣刺船濯纓歌自好漁父莫相憐

右戶外長江

境與東關接羣巒競聳霄乍騰暘谷暈先揭赤城標  
映樹初成纈穿雲更逞嬌飡方久未試隱几每終朝

右東嶺朝霞

簇簇螺鬟列離離金柱斜園陵明瑞彩城府散餘  
霞鷺曬魚梁晚鴉翻驛樹賒陶公了真意不用費吟

哦 右西山落照

朝暮炊烟起東南驛店孤依微連綠樹濃抹接晴湖  
日照時明翳風開乍有無高齋常對眼不必寫為圖

右驛村炊烟

掛席停辛綽因忙便得閑參差泝長浦容易過前山  
物色堪乘興風期許破慳尊菘秋每熟誰辨季鷹還

右風浦征帆

入夜聞鐃角前江近府城隨風傳谷響殷地雜灘聲  
渚鴈栖猶警驪龍睡未成幽人聞塞曲亦復壯心驚

右江城暮角

古寺居隣近平分景物竒清鐘晨遍響高枕夢先知  
一霎迷明頃雙馳舜跖歧同安示心法不獨少陵詩

右甓寺晨鐘

何處別離苦燕山質子行燕山非舊國萬里赴胡營  
遼野曠無店雪虐風正凜健夫且病僵弱兒焉保生  
富者齎千金尚虞飢凍嬰貧者貸子錢征索已無贏  
深知是死別奈此迫嚴程相携出西郊寒日慘光晶  
持盃忍流涕上馬強吞聲吞聲勿復道但恐傷親情  
邦家數喪亂魚肉同一坑天人在羅網微命宜自輕  
所恨臣罪大危時未辭榮骨肉不相保何貴公與卿  
舉頭仰蒼天神理倘能明

質子怨六首

戚戚離親愛依依越關河關河萬里餘小雪橫嵯峨  
晝行烟火絕夜宿豺虎多胡人驅我去此身在網羅  
生死向前途命矣知奈何

二

遼野雪沒肩遼河水墮指朔風捲地起羸馬僵不起  
雪裏捋寸草冰底求勺水重裘凍裂膚宿飯強澁齒  
離憂詎能傷不下生與死

三

遼塞百戰場積屍堆成壘氈車宿中野左右皆枯飢  
霜雪盈衣禁僮僕相枕倚高高仰明月故國杳萬里



故鄉不可思歸期未卜早殊俗不可親羈人難獨保  
雜種混一域冰炭各異抱唵音與詭服觸境惟心擣  
姦偷最可畏匹夫死懷寶

四

漠漠遼朔野何時到燕山燕山方瘡痍生理百千艱  
天人尚羈絆朋類同辛酸燕鄉似故鄉故鄉安得還  
直恐死道路王命委草菅

五

遠戍古稱苦壯士不曾悲戰伐可樹勲縱死名亦垂

豈如質子行聲實無所施比如秋一葉飄颻辭故枝  
徒令骨肉親雪涕摧心脾

贈光州牧申汝萬翊全○丙戌

生涯世亂似栖苴出處何方可稅車學士文章優吐  
鳳使君湖海好垂魚高亭風詠亭名行春後瑞石烟霞  
拄笏餘不覺買臣曾厭直浮雲西北意躊躇

人日有懷鄉山時聽勘郊外經年栖泊未穩  
人日茲晨是占祥舊俗傳朝陰初放旭野氣欲生烟  
竢罪栖難定離官病欲痊門前東下路夜夜夢春田  
穀日又賦

澤堂集  
正憶田家好還愁穀日陰亂雲霾夕照急雪灑寒林  
太史周南滯騷人澤畔吟何如元亮室携幼酒先斟

上元夜雨

郊端棲泊復江干經歲行裝不暫安赦令未加知罪  
大刑章猶滯荷恩寬連朝雨作元宵黑破壁燈殘  
白屋寒幾日水漸開上峽歸帆風便泝前灘

觀讀書堂舊址

世道方修武書堂只廢基荆叢隨圯砌莎壤覆枯池  
却指湖山勝虛疑澗谷移舊厓年八十垂淚說當時  
發東江舟中作

正月江生漲連旬雨始開懸帆風正滿挨舵浪爭逐  
去國憂難釋思山夢已催高飛有歸鴈何事亦鳴哀

澤堂即事二絕

奔走東華底所成歸來添得鬢霜明澤堂高枕春宵  
月依舊風泉落石聲

百謫猶甘一介輕病身丘壑足餘生尋花問柳全無  
力卧聽松風意自清

舟發驪江書感

峽內秋猶熱江間雨乍收此行非得意吾道早宜休  
歷歷佳山水依依舊釣遊蒼茫柔櫓外回首愧眠鷗

青雲君沈命世夫人挽

道蘊高風冠謝娘富平門第近明光榮枯逝作滄桑  
變脩短俱成石火忙隻劍雙珠先入地新封舊塚此  
同岡泉途自足團圓樂大勝孤惇守洞房

郭司藝

龍伯

挽

郭嶺南人也余在銓選授司藝

臺評劾遣遂病逝

妻子貧弱寓

可哀也

依

哀也

依

依

吹噓無力上青冥學省官僚偶接廳從古繡紋羞倚  
市只今詞賦笑明經寡妻孤子扶歸櫬絕嶺長江杳  
客亭不獨交親增一慟路人相問涕須零

送赴燕使三首

驂駟啖棗踰天關要試霜蹄歷險艱直泛星槎超鴨  
水橫穿朔雪到燕山貂裘繡被寒都薄爛醉高吟語  
豈酸巷柳園樵應有待東風好送節旄還

右使全昌君駙馬都尉柳公

廷亮

龍灣西去接榆關半萬長程兩歲間許國有身須盡  
瘁匡時無策敢辭艱三义古渡層冰轟百戰荒城殺  
氣頑同病故人猶踏跡仙槎迢遞悵難攀

右副使完南君李公士深

雪擁關城水塞河鄉山回首白雲多氈車夜聽邊笳  
響何似驪江欸乃歌

欸乃世

右書狀官朴寺正 吉應

送朴仲久出守白川

林鳥詞感 聖明尊名邑南西重拜 恩繡幘藤輿  
榮道觀紅鮮紫蠟媚盤殮即將民事同家政便是忠  
臣出孝門白首東歸除墓地羨君行色自傷魂

道中感懷

江間風日冷蕭蕭倦馬東歸自覺遙三角回瞻神恍  
惚九盤行度意飄搖乾坤德大猶全命魚鳥盟深是  
久要却野炎荒無不可東溪何況老漁樵

暮秋歸驪江村舍

別去 稻初秀歸來菊已殘年光從晚晚身世屬艱難  
試問 新菊酒還携舊釣竿滄江回白首落日近長安

歸白谷舊居

臣罪誠無妄山居似有緣書堂猶澤畔禪室是雲邊  
靜閱楊稊象閑吟桂樹篇回頭舊迷路六十有三年

初上澤堂得大過  
枯揚生梯之辭

十孤詩

淇園不比萬株槍隻籜依依衆卉傍擬向歲寒留寸  
碧風掀雪壓奈摧傷 右孤竹  
羞將紅紫競春容獨保青葱傲衆草暮雀欲投翻却

去凍枝其奈雪霜封 右孤松

滿山紅綠麗春陽誰辨幽叢獨抱芳擬待騷人秋紉

佩不堪蕭艾已充堂 右孤蘭

衡陽千陣自羣飛一望雲霄舊侶違月黑汀洲罾弋

在天寒畦壟稻梁微 右孤鴈

軒墀遙羽一分飛水國風霜彩翮垂清唳數聲中夜

發滿林烏鵲不曾知 右孤鶴

剗兇誅蛟自有精衝星躍水兩無情劓緹塵壁無人

識武庫森羅漫得名 右孤劍

千艘銜尾下江關何許孤蓬繫曲灣日暮渡頭行旅

絕沙邊惟伴鷺絲閑 右孤舟

白衣蒼狗變斯頑可愛當空一片孤出岫不妨還入

岫幾時霖霖與蘇枯 右孤雲

為有蟠根九地深江門千古立峯岑商帆官舶從他

過雪礮雷車任爾侵 右孤嶼

雲捲秋空點翳銷冰輪一片湧寒霄幽人獨卧窮山

靜贏得餘光照寂寥 右孤月

少時術士推余星命云再犯孤辰主一生孤隻艱

危今到老境顛沛更甚追筭平生身事無非孤字

為崇聊賦十孤絕句以自嘲

遣遇十首摘杜句分韻冬至作。杜句即結舌。防讒柄探。騰有禍胎。  
山木朔風號澗泉層冰結徂歲已向晏餘景何卒卒  
幽人中夜起感嘆腸內熱天運會有窮人情良自別

二

寒虫已蟄坏凍雀亦收舌微物尚知時吾人宜慎節  
端居墜戶牖山谷正風雪永懷弄丸翁安閑心自逸

三

陰陽時作診君子慎周防顧余昧將理窮老沉膏肓  
呻吟一室內藥物盡迷方尚有寸心明中宵時激昂

四

文豹來罟穿佳冶多妬讒厚味實腊毒康莊或囓巖  
此理早自知此心天所監從經臂九折庶勉口三緘

五

鴛蹄知敗轅醜女羞把鏡顧我蒙眇姿久叨文苑柄  
天網終不漏窮鱗焉得迸玉成非所希瓦全宜自慶

六

林園可棲息泉石可遊探澤風有父象良占豈待三  
老大失故步行止多內慚寬恩反初服沒齒分所甘

七

平生慕柔舌末路戒剛腸事主有本分匡時乏材

良時窺竹素，秘自耀螢燭。光歲晏窮鄙，底何由睇太陽。

八

浮生隨物變，少壯寧能久。崇貴易顛覆，膏華奈腐朽。學仙身亦化，參佛性非有。生順死亦安，此心庶無疚。

九

隍鹿或為真，塞馬焉知禍。達人強解事，曉曉齊物我。寒裘與暑褐，天命無不可。積雪閉山扃，吾累且安坐。

十

一氣有消息，二儀互胚胎。春花遶秋葉，衰盛如闔開。

癯人戒不出，霜雪徧山皚。紅綠不必貴，靜觀地底雷。

次海嵩尉寄示韻

松窓岑寂鎖烟霏，山徑無人雪片飛。病眼忽看新句，穩窮途未覺素交稀。呂翁枕上知榮辱，蒙叟篇中了是非。唯有別懷終不忘，野亭秋日捺征衣。

次前韻題允禪軸

蘭若重恢構，松林舊築臺。碧崖環作障，紅葉聚成堆。世事桑生海，塵心火變灰。時來得良晤，忘却暮鐘催。

次前韻題玄俊軸

澤老東歸日，鷗山歲暮天。無心對雲岫，不寐聽風泉。

梵宇灾仍復詩瓢失又傳存亡人世感欲說恐妨禪

次前韻題哲會軸曾屬白洲和之軸亡於推翁家追錄主詩續題一首以識

存亡之感

故舊凋零盡誰憐後死遲鷲林餘老宿鷓路摠新知  
有約尋蓮社無人賦草池風花與電露生滅豈前期

答白軒相公寄示韻

窮途顧影斷朋儔偏荷明公枉眷優苦室昔蒙珍劑  
寄澤居今見妙詞投黃扉紫闥天同遠白石蒼溪地  
自幽祗有葵心均受畀江湖廊廟共時憂

杆城校生津遣人致問饋窮谷余去杆已十四

冬矣感念舊遊為寄一律兼以謝厚風

二載分符地慚無教澤留到今蒙記問屬我抱幽憂  
雪棧通人遠珍鮮入饌優依然仙境夢松月滿書樓

寄謝江原方伯柳汝常恒

天寒鳥雀共茅廬忽枉皇華問僻居澗道日斜回駟  
馬郵亭書迹有雙魚承家翰墨風流遠攬轡澄清緒  
業餘三入仙蹤誰得躡文園久卧病相如

題法尚軸

住近巖前寺時聞夜裏鐘吾今淹病甃爾自秘玄蹤  
坐想峯銜月遙知雪壓松山陰興不淺何日鎮相從



澤堂集  
五月十九日口占代筆丁亥

行年六十四春秋弧矢生涯苦未休文字虛名終速  
禍清班素廩每包羞眼看天地無窮事心抱君民  
不盡愁便八九原無一念碧山長在水東流

澤堂先生續集卷之六

